

涿州直隸州志卷之四

典禮志

朝賀 讀法

迎 詔

迎春

薄蝕

秩祀

勸農

賓興

鄉飲

較閱

天叙有典天秩有禮上下之所守小大之所由也是

故昭事乎幽明經緯乎朝野在官則秩祀肅威儀焉

在鄉則講約遵條教焉劭農造士則民氣樂文運昌

焉更復舉鄉飲而引年練壯勇而肄武以宣

德化以厚民風恪恭將事無非教也志典禮

朝賀

萬壽聖節 元旦 冬至是日五鼓正官率僚屬具朝服

赴

萬壽宮供奉

龍牌處行禮如制

迎 詔

頒到

詔勅正官率僚屬出郭跪迎隨導至州堂作樂行禮宣讀

畢復行禮如制

迎春

每歲立春正官先一日率僚屬從鼓樂迎春東郊設
勾芒神位行一跪三叩禮昇芒神土牛於州治儀門
外至立春日昧旦各官朝服行三獻禮各執綵仗首
領官擊鼓三聲環鞭土牛三匝而退

薄餼

朔朝望夜偶日月食設香案於露臺上設金鼓於儀
門兩旁正官朝服率僚屬於初食時向之行禮執事

者奉鼓正官伐鼓三聲衆鼓齊鳴俟報復圓行禮如制乃退

秩祀

文廟

每歲春秋仲月丁日先一日正官入廟省牲屆期子時率僚佐師生致祭三跪九叩首禮終三獻樂用六佾燔燎瘞望如制學官佐職分獻

陳設

至聖位

禮神制帛一白磁爵三牛一羊一豕一登一鉶二簋二簋二籩十豆十酒尊一

四配位

每位帛一白磁爵三羊一豕一鉶一簋二籩二籩八豆八酒尊一

十二哲位

每位帛一白磁爵各一豕一鉶各一簋各一籩各一籩各四豆各四豕首一

樂器

麾金鐘玉磬鼓搏拊琴瑟排簫笙簫篪篴塤祝敵節羽籥干戚

樂章

大哉孔子先覺先知與天地參萬世之師祥徵麟緩韻答金絲日月既揭乾坤清夷予懷明德玉振金聲生民未有展也大成俎豆千古春秋上丁清酒既載其香始升式禮莫愆升堂再獻響協鼓鏞誠孚

曩獻肅肅雍雍譽髦斯彥禮陶樂淑相觀而善自
古在昔先民有作皮弁祭菜於論思樂惟天牖民惟
聖時若彝倫攸敘至今木鐸先師有言祭則受福
四海鬻宮疇敢不肅禮成告徹毋疏毋賔樂所自生
中原有菽鳧繹峩峩洙泗洋洋景行行止流澤
無疆聿昭祀事祀事孔明化我烝民育我膠庠

東廡

每位帛一銅爵各一豕三
每案簋一簋一籩四豆四

西廡

同

崇聖祠

每歲春秋仲月正祭日先祭五王無樂舞餘儀具同

五王位

每位帛一白磁碗一羊一豕一鉶
一簋二籩二籩八豆八酒尊一

配位 帛一豕首一每位銅爵三簋一簋一籩四豆四豕肉一

從祀位 帛一銅爵各一豕三每案簋一簋一籩四豆四

文昌祠

每歲仲春三日仲秋奉文日祭正官朝服率僚屬行

三獻禮同日祭先代三獻

文昌位 牛一羊一豕一簋一籩一籩四豆四

先公位 帛一羊一豕一簋簋各二籩豆各八爵三劍一

魁星位 帛一爵一豆三三牲

關帝廟

每歲春秋仲月上戊日及仲夏十三日三祭正官朝服率僚屬行三獻禮同日祭帝曾祖光昭公祖裕昌公考成忠公三獻

帝位

牛一羊一豕一簠簋各二籩豆各十帛一爵三鉶二

三公位

帛各一羊各一豕各一簠簋各二籩豆各八爵各三鉶各一夏祭去籩豆用果品五盤

西壇

每歲春秋仲月上戊日正官率僚屬詣城西壇設州

社稷神位朝服行三獻禮

社位

羊一豕一帛一爵三劍
一籩四豆四簋二二簋二

稷位

同

南壇

歲春秋仲月上戊日正官率僚屬詣城南壇朝服行

三獻禮

風雲雷雨神位

本州山川神位

本州城隍神位 羊三豕三帛三爵各三鋤
一豆籩簋西壇同

東壇

歲二月正官率僚屬朝服詣城東三獻禮畢更蟒衣
秉耒耕籍首領官執青箱老農一人牽牛農夫二人
扶犁九推九反農夫終畝畢望闕行禮

先農位 羊一豕一帛一鋤一爵
三籩二豆籩簋同社稷壇

雩祭壇

每歲四月奉文日正官率僚屬詣雩壇行三獻禮乾

隆八年定制於風雲壇內行雩祭爲常雩禮又有因旱而雩之祭

風雲雷雨神位

山川神位

先農神位

帛五爵各三鉶一簠簋各二
邊豆各四羊一雞一酒尊一

城隍廟

每月朔望日詣廟拜謁又春秋仲月上戊日合祭於風雲雷雨山川壇又厲壇亦以神主其祀

北壇

每歲春清明日秋七月望日冬十月朔日祭無祀鬼

神先期正官具文致告城隍之神至期迎神位於厲

壇主其祀

羊一豕三米三石羹飯有
差香燭酒紙隨用分祭

八蜡廟

火神廟

河神廟

馬神廟

土地祠

名宦祠

鄉賢祠

忠孝節義祠

忠烈祠

俱於每歲春秋仲月上戊日致祭

旗纛神

每歲七月十五日霜降日營弁于演武場致祭

讀法

每月朔望爲講約期於本城三義廟內爲講約所上
供

聖諭牌設講案於中間令生員一人以爲講約正再選二
人以爲值月是日清晨正官率僚屬士民齊集講所
行禮約正宣講

聖諭十六條及律令數條畢仍行禮退各鄉村則於民居
稠密之處或就義學相近設講約所有本鄉所舉約

正與義學師會同宣講

勸農

每歲仲春亥日率僚屬赴先農壇致祭畢行耕藉禮
爲農民倡及暇日正官載酒食出郊給賞農夫

賓興

大比之年先試期一月正官擇吉啓請應試諸生屆
期公堂設宴架彩橋於中門外諸生至正官出迎揖
讓升堂正官主席學官及僚佐與焉宴畢諸生簪花

披紅餞升彩橋鼓樂送行舉人會試禮數加隆貢生
禮次之

鄉飲

每歲正月望十月朔在明倫堂舉行先期儒學具紳
士耆民德望宜賓介者呈送正官屆期設席堂上行
禮以正官爲主教官爲司正致仕官爲大賓士人年
高者爲僎賓次者爲介賓黎明宰牲具饌主人率司
正僚屬先至遣人速客迎庠門外賓西主東三揖三

讓升堂生員贊禮東西向再拜大賓位西北僎賓位
東北介賓位西南主人位東南司正位於正官之右
僚屬位於簷下各就位司正揚觶辭云恭惟

朝廷率由舊章敦崇禮教舉行鄉飲非爲飲食凡我長幼
各相勸勉爲臣盡忠爲子盡孝長幼有序兄弟恭
內睦宗族外和鄉里無或廢墜以忝所生畢司正飲
酒授執事觶揖賓主皆揖各復位執事者中堂設律
令案賓主詣案前北面立讀畢復供饌主人獻大賓